

四庫全書薈要

• 乾隆御覽本

集部

欽定四庫全書薈要

集部

御選古文淵薈卷五

御選古文淵鑒卷五目錄

周



穆王將征犬戎

厲王虐國人謗王

厲王說榮夷公

宣王即位不藉千畝

宣王既喪南國之師

晉文公既定襄王于郊

定王使單襄公聘於宋

穀洛鬪

周景王將鑄大錢

海鳥曰爰居

宣公夏濫於泗淵

公父文伯退朝

仲尼在陳

齊閭丘來盟

桓公自莒反於齊

正月之朝鄉長復事

御選古文淵鑒卷五目錄

御選古文淵鑒卷五

內閣學士兼禮部侍郎教習庶吉士臣徐乾學等奉

旨編注

周

國語

班固藝文志春秋家有國語二十一篇注左丘明著左丘明受經於仲尼作春秋傳復采

錄前世穆王以來邦國成敗嘉言善語以為國語其文不主於經故號曰春秋外傳左傳為內國語為外二書相副凡事詳於內者畧於外備於外者簡於內

穆王將征犬戎 周語

穆王將征犬戎

穆王周康王之孫昭王之子穆王滿也征正也上討下之稱犬戎西戎之別名

在荒服

祭公謀父諫曰不可

祭畿內之國周公之後為王卿士謀父字也○祭莊界切

父音甫

先王耀德不觀兵夫兵戢而時動動則威觀則玩

玩則無震是故周文公之頌曰

文公周公旦之諡也頌周頌時邁篇

載載

干戈載橐弓矢我求懿德肆于時夏

夏戶雅切

允王保之先

王之於民也茂正其德而厚其性阜其財求而利其器

用明利害之鄉以文修之使務利而避害懷德而畏威

故能保世以滋大昔我先世后稷以服事虞夏及夏之

衰也棄稷弗務

衰謂啟子太康也廢稷之官不復務農

我先王不窋用失

其官

失稷官也不窋棄事子

而自竄於戎翟之間不敢怠業時序

其德纂修其緒修其訓典朝夕恪勤守以惇篤奉以忠

信奕世載德不忝前人至於武王昭前之光明而加之

以慈和事神保民莫不欣喜商王帝辛大惡於民庶民

弗忍欣戴武王以致戎於商牧是先王非務武也勤恤

民隱而除其害也夫先王之制邦內甸服

甸里之內曰甸甸王田也

服服其邦外侯服邦畿之外方五百里之地謂之侯服

職業也

邦外侯服

侯服侯圻也言諸侯之近者歲一來

見侯衛賓服侯侯圻也衛衛圻也言自侯圻至衛圻其

間凡五圻圻五百里中國之界也謂之賓

服常以服貢賓見於王五圻者侯圻甸圻蠻夷要服

男圻采圻衛圻康誥曰侯甸男采衛是也

圻也夷夷圻也九州之界也

戎翟荒服戎翟去王城四

圻也夷夷圻也九州之界也戎翟荒服千五百里至五

要者要結好信而服從之

千五百里至五

要者要結好信而服從之

地故謂之荒甸服者祭祭供日侯服者祀祀供月賓服者享

祭也

祭也

祭也

祭也

享也享也要服者貢貢供歲荒服者王王王事日祭月祀時享

貢也

貢也

貢也

貢也

歲貢終王終朝嗣王及先王之訓也有不祭則修意修

意

意

意

責責以自有不祀則修言言號有不享則修文文典有不貢

責

責

責

責

責

責

則修名

名謂尊卑職貢之名號

有不王則修德序成而有不至則

修刑

序成謂上五者次序也

於是乎有刑不祭伐不祀征不享讓

不貢告不王於是乎有刑罰之辟有攻伐之兵有征討

之備有威讓之令有文告之辭布令陳辭而又不至則

又增修於德無勤民於遠是以近無不聽遠無不服今

自大畢伯仕之終也

大畢伯仕犬戎氏之二君

犬戎氏以其職來王

天子曰予必以不享征之且觀之兵其無乃廢先王之

訓而王幾頓乎

幾危也頓敗也

吾聞夫犬戎樹惇

樹立也言犬戎立性惇樸

能帥舊德而守終純固其有以禦我矣王不聽遂征之
得四白狼四白鹿以歸自是荒服者不至

厲王虐國人謗王

厲王虐國人謗王

厲王共王之曾孫夷王之子厲王胡也

召公告王曰民

不堪命矣

召公召康公之後穆公虎也

王怒得衛巫使監謗者

衛巫衛國

之巫也以巫有神靈有謗必知之

以告則殺之國人莫敢言道路以目

不敢發言以目相矚

王喜告召公曰吾能弭謗矣乃不敢言召公

曰是障之也防民之口甚於防川川壅而潰傷人必多

民亦如之是故為川決之使導為民者宣之使言故天

子聽政使公卿至於列士獻詩

獻詩以風也列士上士也

瞽獻典

無目

曰瞽瞽樂師也

史獻書

史外史也

師箴

師小師也箴箴刺王闕

瞽賦

無眸子曰

瞽賦賦公卿列士所獻詩也

矇誦

有眸子而無見曰矇誦誦箴諫之語也

百工諫

百工執技

以事上者諫者執藝事以諫

庶人傳語

庶人卑賤見時得失不得達傳以語王也

近臣盡

規近臣謂驂僕之屬也盡規盡其規以告王

親戚補察

補補過察察政也自王以下各有父兄子

弟以補察其過瞽史教誨

瞽樂大師史大史也掌陰陽天時禮法之書以相教誨者

耆艾修

之耆艾師傳也修修理

而後王斟酌焉是以事行而不

恃民之有口也猶土之有山川也財用於是乎出猶其

有原隰衍沃也衣食於是乎生

廣平曰原下濕曰隰下平曰衍有說曰沃○隰

詳立切沃一口之宣言也善敗於是乎興行善而備敗

毒切既音蓋

所以阜財用衣食者也夫民慮之於心而宣之於口成

而行之胡可壅也若壅其口其與能幾何

與辭也能幾何言不久也

王弗聽於是國人莫敢出言三年乃流王於彘

彘晉地漢為彘

縣屬河東

厲王說榮夷公

厲王說榮夷公

榮國名夷諡也

芮良夫曰

芮良夫周大夫芮伯也○芮如銳切

王

室其將卑乎夫榮公好專利而不知大難夫利百物之所生也天地之所載也而或專之其害多矣天地百物皆將取焉胡可專也所怒甚多而不備大難以是教王王能久乎夫王人者將導利而布之上下者也使神人百物無不得其極猶日怵惕懼怨之來也故頌曰思文后稷克配彼天立我烝民莫匪爾極

頌周頌思文篇

大雅曰陳

錫載周

大雅文王篇

是不布利而懼難乎故能載周以至於

今今王學專利其可乎匹夫專利猶謂之盜王而行之
其歸鮮矣榮公若用周必敗既榮公為卿士既已諸侯
不享王流於莒

宣王即位不藉千畝

宣王即位不藉千畝

宣王厲王子名靖藉借也借民力以為之○藉慈夜切

號文

公諫曰

文公文王母弟號仲之後○號古伯切

不可夫民之大事在農上

帝之采盛於是乎出

器實曰采在器曰盛○采音咨盛音成

民之蕃庶於

是乎生事之共給於是乎在和協輯睦於是乎興財用

蕃殖於是乎始敦龐純固於是乎成敦厚也龐大也是

故稷為大官稷之職為大官古者大史順時覲土覲視也陽

痺憤盈土氣震發痺厚也憤積也農祥晨正農祥房星也晨正謂

立春之日晨中於午也農事之候故曰農祥日月底於天廟底至也天廟營室也孟春之月

日月皆在營室底音旨土乃脈發脈理也農書曰春土冒先時九

日先立春日也大史告稷曰自今至於初吉初吉二月朔日也陽氣

俱蒸土膏其動蒸升也膏土潤也弗震弗渝脈其滿青穀乃不

殖震動也渝變也青災也稷以告王曰史帥陽官以命

脈滿氣結更為災病

我司事

史大史陽官春官司事主農事官也

曰距今九日土其俱動

距去也

王其祗被監農不易

祗敬也被齊戒被除也不易物土之宜○被音拂

王乃

使司徒咸戒公卿百吏庶民

百吏百官也庶民甸師氏所掌之民主耕耨王之藉

田司空除壇於藉命農大夫咸戒農用

農大夫田畯也農用田器也

先時五日瞽告有協風至

瞽樂大師知風聲者協和也

王既齊宮百

官御事各即其齊三日

御治也

王乃淳濯饗醴

淳沃也濯洗也

期鬱人薦鬯

鬱鬱金香草宜以和鬯酒也周禮鬱人掌裸器

犧人薦醴

犧人司尊也掌

共酒醴者王裸鬯饗醴乃行百吏庶民畢從及藉后稷監之

膳夫農正陳藉禮大史贊王王敬從之王耕一墾

一墾

之墾也

王無耦以一耜

班三之

班次也三之下各三其上也王一墾公三卿九

耕

○墾音銖又音發

大夫二

庶人終於千畝

終盡耕也

其后稷省功大史監之司

十七

徒省民大師監之畢宰夫陳饗膳宰監之膳夫贊王王

歆大牢

歆饗也

班嘗之庶人終食是日也誓帥音官以省

風土

音官樂官也風土以音律省土風

廩於藉東南鍾而藏之

廩御廩一名神

倉東南生長之處鍾聚也

而時布之於農稷則徧戒百姓紀農協功

曰陰陽分布震雷出滯土不備墾辟在司寇乃命其旅

曰徇

徇衆也
徇行也

農師一之農正再之后稷三之司空四之

司徒五之大保六之大師七之大史八之宗伯九之王

則大徇

大徇帥公卿大夫親行農也

耨穫亦如之民用莫不震動恪

共於農修其疆畔日服其耨不解於時

耨鉏屬
耨音博

財用

不乏民用和同是時也王事唯農是務無有求利於其

官以干農功三時務農而一時講武故征則有威守則

有財若是乃能媚於神而和於民矣則享祀時至而布

施優裕也今天子欲修先王之緒而棄其大功置神之

祀而困民之財將何以求福用民王弗聽三十九年戰

於千畝王師敗績於姜氏之戎

姜氏之戎西戎之別種四岳之後也

宣王既喪南國之師

宣王既喪南國之師

敗於姜戎氏

乃料民於大原

料數也大原地名

仲山父諫曰

仲山父周之卿士

民不可料也夫古者不料民而

知其少多司民協孤終

司民掌登萬民之數協合也無父曰孤終死也

司商協

名姓

司商掌賜族受姓之官商金聲清謂人始生吹律合之定其姓名

司徒協旅

司徒掌合

師旅

司寇協姦牧協職

牧人掌牧養犧牲合其物色之數

工協革

革更也

制度者合場協入

場人掌場圃委積之珍物斂而藏之

廩協出

廩人掌九穀出用之

數是則少多死生出入往來者皆可知也於是乎又審

之以事

事謂因藉田與民狩以簡知其數也

王治農於藉

藉藉於千畝田也

蒐於

農隙耨穫亦於藉

言王亦至於藉考課之

獮於既烝

秋田曰獮烝升也月令孟

秋乃狩於畢時

冬田曰狩畢時畢時務也

是皆習民數者也又何料

焉不謂其少而大料之是示少而惡事也

言王不謂其衆少而大料

數之是示以寡少又厭惡政事不能修之意也

臨政示少諸侯避之治民惡事

無以賦令且無故而料民天之所惡也害於政而妨於

後嗣王卒料之及幽王乃廢滅

幽王宣王子幽王宮湮也

晉文公既定襄王於邲

晉文公既定襄王於邲

邲洛邑王城之地也

王勞之以地

謂陽樊温原攢

茅之

辭請隧焉

隧王之葬禮闕地通路曰隧

王勿許曰昔我先王之

有天下也規方千里以為甸服以供上帝山川百神之

祀以備百姓兆民之用以待不庭不虞之患其餘以均

分公侯伯子男使各有寧宇以順及天地無逢其災害

先王豈有賴焉內官不過九御

九御九嬪

外官不過九品足

以供給神祇而已豈敢厭縱其耳目心腹以亂百度亦

唯是死生之服物采章以臨長百姓而輕重布之王何

異之有

言帝王皆然

今天降禍災於周室余一人僅亦守府

府先王之府藏

又不佞以勤叔父而班先王之大物以賞私德

其叔父實應且憎以非余一人余一人豈敢有愛也先

民有言曰改王改行

玉佩玉言服其服則行其禮以叔言晉侯尚在臣位不宜有隧也

父若能光裕大德更姓改物以創制天下自顯庸也而

縮取備物以鎮撫百姓

縮引也備物隧之屬余一人其流辟於裔

土何辭之與有若由是姬姓也尚將列為公侯以復先王之職大物其未可改也叔父其茂昭明德物將自至余敢以私勞變前之大章以忝天下其若先王與百姓何何政令之為也若不然叔父有地而隧焉余安能知之文公遂不敢請受地而還

定王使單襄公聘於宋

定王使單襄公聘於宋

定王頃王子匡王弟名瑜單襄公王卿士單朝也

遂假

道於陳以聘於楚火朝覲矣道弗不可行也

火心星也覲見也草

穢塞路為弗朝見謂夏正十月晨見於辰○弗音拂候不在疆候候人也掌送迎賓客者疆境也

司空不視塗司空卿官掌道路也澤不陂陂障也古不川不梁野

有庾積庾露積穀也場功未畢道無列樹古者列樹以表道且為城守之用

墾田若藝發田曰墾藝猶蒔也言其稀少膳宰不致餼膳宰膳夫也掌賓客之牢禮生

曰司里不授館司里里宰也掌授客館國無寄寓無寄寓者不為廬舍縣無

施舍四甸為縣施舍者所以施舍賓客負任之處民將築臺於夏氏夏氏陳大夫夏

徵舒之家及陳陳靈公與孔寧儀行父南冠以如夏氏留賓

弗見陳靈公舜後共公之子靈公平國也單子歸告王

孔寧儀行父陳之二卿南冠楚冠也

曰陳侯不有大咎國必亡王曰何故對曰夫辰角見而

雨畢

辰角大辰蒼龍之角角星名也見者朝見東方建戌之初寒露節也雨畢者殺氣日盛雨氣盡也

天根見而水涸

天根氐亢之間也謂寒露雨畢之本見後五日天根朝見水潦盡竭也

本見

而草木節解

本氐也謂寒露之後十日陽氣盡草木之枝節皆理解也

馬見而隕霜

駟天駟房星也謂建戌之中霜始降

火見而清風戒寒

謂霜降之後清風先至所以戒人為

寒備也

故先王之教曰雨畢而除道水涸而成梁草木節

解而備藏隕霜而冬裘具清風至而修城郭宮室故夏令曰九月除道十月成梁其時儆曰收而場功侍而畚

揭

收而場功使人修囿倉也。倚具也。畚土籠也。營室之揭，昇土之器。○詩文：几切。卷音本。揭九玉切。營室之

中土功其始

定謂之營室，謂建亥小雪之中，火之初見，定星昏正於午，土功可以始也。

期於司里

期會也。致其籍作之，具會於司里之官。

此先王之所以不用財

賄而廣施德於天下者也。今陳國火朝覲矣，而道路若

塞，野場若棄，澤不陂，障川無舟梁，是廢先王之教也。周

制有之曰：列樹以表道，立鄙食以守路。

鄙，四鄙十里，有廬廬有飲食。

國有郊牧

國外曰郊牧，放牧之地。

畺有寓望

畺，境也。境界之上，有寄寓之舍，候望之人。

○畺居良

數有圃草

澤無水曰數圃，大也。必有園有林池，有茂大之草以備財用。

林積木池

所以禦災也其餘無非穀土民無縣耜

入土曰耜

耜柄曰耒

野無奧草

奧深也

不奪民時不蔑民功有優無匱有

逸無罷國有班事

班次也執事有次

縣有序民

縣鄙之民從事有序

今陳

國道路不可知田在草間

間古間字

功成而不收民罷於逸

樂是棄先王之法制者也周之秩官有之

秩官周常官篇名

曰

敵國賓至關尹以告

關尹司關掌四方賓客

行理以節逆之

理吏也逆

迎也執瑞節為信而迎之也行理小行人

候人為導卿出郊勞門尹除門

門尹

司門也除門掃除門庭也

宗祝執祀

宗宗伯祝大祝也執祀賓將有事於廟則宗祝執祭祀之禮

司里授館

司里授客所當館次於卿也聘禮卿致館

司徒具徒

具徒役修道路之要積

司空視塗

視險易也

司寇詰姦

禁詰姦盜

虞人入材

虞人掌山澤之官祭祀賓

客各供

甸人積薪

甸人掌薪蒸之官也

火師監燎

火師司火燎庭燎也

水師

其材

監濯

水師掌水監滌濯之事者

膳宰致餐

執食曰餐

廩人獻餼

生曰餼禾米也

司

馬陳芻

司馬掌帥圉人養馬故陳芻

工人展車

展省客車補傷敗也

百官官以

物至賓入如歸是故小大莫不懷愛

小大謂賓介也

其貴國之

賓至則以班加一等益虔至於王使則皆官正滌事

正長

也上卿監之若王巡狩則君親監之今雖朝也不才有

分族於周

分族王之親族也

承王命以為過賓於陳而司事莫

至是蔑先王之官也先王之令有之曰天道賞善而罰

淫故凡我造國無從非彝無即愆淫各守爾典以承天

休今陳侯不念脩績之常棄其伉儷妃嬪伉對也儷偶也而帥

其卿佐以淫於夏氏不亦瀆姓矣乎陳我大姬之後也

大姬周武王之女虞胡公之妃

棄衮冕而南冠以出不亦簡彝乎

彝常也言

其棄禮簡畧常服也

是又犯先王之令也昔先王之教蔑帥其德

也猶恐隕越若廢其教而棄其制蔑其官而犯其令將

何以守國居大國之間

晉楚大國

而無此四者其能久乎六

年單子如楚

定王六年魯宣之八年

八年陳侯殺於夏氏

八年魯宣之十

也九年楚子入陳

楚子莊王也

穀洛鬪

靈王二十二年

靈王周簡王之子靈王大心也

穀洛鬪

將毀王宮

穀洛二水名也鬪者兩水格有似于鬪洛在王城之南穀在王城之北東入于潁至靈王

時穀水盛出于王城之西而南流合于洛水毀王城西南將及王宮

王欲墜之太子晉諫

曰不可

晉靈王太子也

晉聞古之長民者不墜山

墜毀也

不崇數

崇高也不防川流曰不竇澤澤居水也夫山土之聚也數

物之歸也川氣之導也澤水之鍾也夫天地成而聚於

高歸物於下疏為川谷以導其氣陂唐汚庠以鍾其美

唐俗作塘是故聚不阢崩而物有所歸大曰崩小曰阢

○庠音卑

○阢直氏切

氣不沈滯而亦不散越是以民生有財用而死有所葬

然則無天昏札瘥之憂而無饑寒匱乏之患故上下能

相固以待不虞古之聖王唯此之慎昔共工棄此道也

共工諸侯炎帝之虞於湛樂虞安也淫失其身欲壅防百

之後姜姓也

川墮高堙庫以害天下

堙塞也高謂山陵庫謂池澤

皇天弗福庶民

弗助禍亂並興共工用滅其在有虞有宓伯鯀

宓伯鯀國伯鯀也

○宓古崇字

播其淫心稱遂共工之過

稱舉也舉遂共工之過者謂障洪水堯

用殛之於羽山

羽山在東海祝其縣南

其後伯禹念前之非度釐

改制量象物天地比類百則儀之於民

儀準也

而度之於

羣生共之從孫四岳佐之

共共工也言共工從孫為四岳之官掌帥諸侯助禹治水

高高下下疏川道滯鍾水豐物封崇九山決汨九川

汨通

也○汨音骨

陂障九澤豐殖九數汨越九原

越揚也

宅居九隩

隩內也九州之內皆可宅居○隩於六切合通四海故天無伏陰
有霜電夏地

無散陽散陽李梅冬實水無沈氣沈伏也無伏積之氣火無災燁燁起

音神無閒行閒行姦神淫厲之屬民無淫心時無逆數逆數四時寒暑反逆

物無害生蝗螟之屬不害嘉穀帥象禹之功度之于軌儀莫非嘉

績克厭帝心厭於涉切皇天嘉之胙以天下胙祿也賜姓曰姒

氏曰有夏謂其能以嘉祉殷富生物也胙四岳國命為

侯伯賜姓曰姜姜四岳之先氏曰有呂謂其能為禹股

肱心膂以養物豐民人也此一王四伯豈繫多寵皆亡

王之後

王謂禹四伯謂四岳也○繫一兮切

唯能釐舉嘉義以有庥在下

守祀不替其典有夏雖衰杞鄫猶在

杞鄫二國夏後也

申呂雖

衰齊許猶在

申呂四岳之後商周之世或封於申齊許其族也

唯有嘉功以命

姓受祀迄於天下及其失之也必有愾淫之心間之故

亡其氏姓踣弊不振

踣僵也○踣蒲北切

絕後無主壇替隸圉

隸役

也○圍養馬者

夫亡者豈繫無寵皆黃炎之後也

蘇黃帝之後共工炎帝之後

後唯不帥天地之度不順四時之序不度民神之義不

儀生物之則以殄滅無庥至於今不祀及其得之也必

有忠信之心間之度於天地而順於時動靜於民神而
儀於物則故高朗令終顯融昭明命姓受氏而附之以
令名若啟先王之遺訓省其典圖刑法而觀其廢興者
皆可知也其興者必有夏呂之功焉其廢者必有共鯀
之敗焉今吾執政無乃實有所避

避達也

而滑夫二川之

神

滑亂也○
滑古忽切

使至於爭明以妨王宮

明精
氣也

王而飾之無

乃不可乎人有言曰無過亂人之門又曰佐雖者嘗焉

雖烹煎
之官也

佐鬪者傷焉又曰禍不好不能為禍詩曰四牡

駸駸旌旄有翩亂生不夷靡國不泯

大雅桑柔篇

又曰民之

貪亂寧為荼毒

桑柔之十一章

夫見亂而不惕所殘必多其飾

彌章民有怨亂猶不可遏而況神乎王將防鬪川以飾

宮是飾亂而佐鬪也其無乃章禍且遇傷乎自我先王

厲宣幽平而貪天禍至於今未弭

弭止也

我又章之懼長

及子孫王室其愈卑乎其若之何自后稷以來寧亂及

文武成康而僅克安民自后稷之始基靖民十五王而

文始平之

十五王謂后稷不窋鞠陶公劉慶節皇僕差弗毀隃公非高圉亞圉公祖大王王季文王

也十八王而康克安之

加武王成王康王并上十五

其難也如是厲

始革典十四王矣

十四王謂厲宣幽平桓莊僖惠襄頤匡定簡靈

基德十五而

始平基禍十五其不濟乎

至景王十五世

吾朝夕儆懼曰其何

德之修而少光王室以逆天休王又章輔禍亂將何以

堪之王無亦鑒於黎苗之王下及夏商之季

黎九黎苗三苗也少

皞氏衰九黎亂德顓頊滅之高辛氏衰三苗又亂堯誅之

上不象天而下不儀地中

不蘇民而方不順時不共神祇而蔑棄五則

則法也謂象天儀地

和民順時共神也

是以人夷其宗廟而火焚其彝器子孫為隸

下夷於民而亦未觀夫前哲令德之則則此五者而受

天之豐福饗民之勲力子孫豐厚令聞不忘是皆天子

之所知也天所崇之子孫或在畎畝由欲亂民也

一耦之發

廣尺深尺為畎畎畝之人或在社稷由欲靖民也無有異

焉詩云殷鑒不遠近在夏后之世

大雅蕩之篇

將焉用飾宮

以徼亂也度之天神則非祥也比之地物則非義也類

之民則則非仁也方之時動則非順也咨之前訓則非

正也觀之詩書與民之憲言皆亡王之為也上下儀之

無所比度王其圖之夫事大不從象小不從文

象天象也文詩

書上非天刑下非地德

刑法也

中非民則方非時動而作

之者必不節矣作又不節害之道也王卒壅之及景王

多寵人亂於是乎始生

景王周靈王之子太子晉之弟也多寵人謂寵子朝及臣賓孟

之屬也

景王崩王室大亂及定王王室遂卑

定王頃王之子靈王祖父

而言及定王王室遂卑定當為貞貞王名介敬王子也

周景王將鑄大錢

景王二十一年將鑄大錢

景王周靈王之子景王貴也二十一年魯昭之十八年

單穆公曰不可

穆公王卿士單靖公之曾孫

古者天災降戾於是乎

量資幣權輕重以振救民

量猶度也資財也

民患輕則為之作

重幣以行之

民患幣輕而物貴則作重幣以行其輕也

於是乎有母權子而

行民皆得焉

重曰母輕曰子以子貿物物輕則子獨行物重則以母權而行之

若不堪

重則多作輕而行之亦不廢重於是乎有子權母而行

小大利之

子權母者母不足則以子平而行之故錢小大民皆以為利也

今王廢輕而

作重民失其資能無匱乎若匱王用將有所乏乏則將

厚取於民民不給將有遠志是離民也且夫備有未至

而設之有至而後救之是不相入也

二者先後各有宜不相入不相為用

也可先而不備謂之急可後而先之謂之召災周固羸

國也天未厭禍焉而又離民以佐災無乃不可乎

言周固已

為羸病之國天降禍災未厭已也

將民之與處而離之將災是備禦而

召之則何以經國國無經則何以出令令之不從上之

患也故聖王樹德於民以除之夏書有之曰聞石飮均

王府則有

夏書五子之歌闢門闢之征也石今之斛也言征賦調均則王之府藏常有也一日聞衡

也詩亦有之曰瞻彼旱麓榛楛濟濟愷悌君子千祿愷

梯

大雅旱麓之篇

夫旱麓之榛楛殖故君子得以易樂干祿焉

若夫山林匱竭林麓散亡藪澤肆既

肆極也既盡也

民力彫盡

田疇荒蕪資用乏匱君子將險哀之不暇而何易樂之

有焉且絕民用以實王府猶塞川原而為潢污也其竭

也無日矣

大曰潢小曰污

若民離而財匱災至而備亡王其若

之何吾周官之於災備也其所急棄者多矣而又奪之

資以益其灾是去其藏而翳其人也王其圖之

善政藏於民翳

猶屏也王弗聽卒鑄大錢

海鳥曰爰居魯語

海鳥曰爰居止於魯東門之外二日

爰居雜縣也

臧文仲使

國人祭之展禽曰越哉臧孫之為政也

越迂也

夫祀國之

大節也而節政之所成也故慎制祀以為國典今無故

而加典非政之宜也夫聖王之制祀也法施於民則祀

之

謂五帝殷契周文也

以死勤事則祀之

殷冥水死周棄山死是也

以勞定國

則祀之

虞幕夏杼殷上甲微周高圉大王也

能禦大災則祀之

夏禹是也能扞

大患則祀之

殷湯周武是也

非是族也不在祀典昔烈山氏之

有天下也

烈山氏炎帝之號也起於烈山

其子曰柱能殖百穀百蔬

柱為

后稷自夏以上祀之草實曰蔬

夏之興也周棄繼之故祀以為稷共工

氏之伯九有也

共工氏伯者在戲農之間有域也

其子曰后土能平九

土故祀以為社黃帝能成命百物以明民共財

黃帝少典之裔

子帝軒轅也命名也

顓頊能修之

顓頊黃帝之孫昌意之子帝高陽也

帝嚳能序三

辰以固民

固安也帝嚳黃帝之曾孫蟠極之子帝高辛也

堯能單均刑法以儀

民單盡也儀善也

舜勤民事而野死

野死謂征有苗死於蒼梧之野

鯀障洪水

而殛死禹能以德修鯀之功契為司徒而民輯冥勤其

官而水死

冥契後六世孫根園之子也夏水官勤於其職而死於水

為湯以寬治民

而除其邪稷勤百穀而山死

稷周棄也勤播百穀死於黑水之山

文王以

文昭武王去民之穢故有虞氏禘黃帝而祖顓頊郊堯

而宗舜夏后氏禘黃帝而祖顓頊郊鯀而宗禹商人禘

舜而祖契郊冥而宗湯周人禘嚳而郊稷祖文王而宗

武王幕能帥顓頊者也有虞氏報焉

幕舜之後虞思也為夏諸侯帥循也

報報德杼能帥禹者也夏后氏報焉

杼禹後七世少子季杼也

甲微能帥契者也商人報焉

上甲微契後八世湯之先也

高圉大王

能帥稷者也周人報焉

高圉后稷後十世公非之子也大王高圉之曾孫古公亶父也

凡禘郊宗祖報此五者國之典祀也加之以社稷山川之神皆有功烈於民者也及前哲令德之人所以為民質也及天之三辰民所以瞻仰也及地之五行所以生殖也及九州名山川澤所以出財用也非是不在祀典今海鳥至已不知而祀之以為國典難以為仁且知矣夫仁者講功而知者處物也處名無功而祀之非仁也不知而不問非知也今茲海其有災乎夫廣川之鳥獸恒

知而避其災也是歲也海多大風冬煥

爰居之所避也煥同煥

文

仲聞柳下季之言

柳下展禽之邑季字也

曰信吾過也季子之言

不可不法也使書以為三災

災簡書也三災三卿卿一通謂司馬司徒司空也

宣公夏濫於泗淵

宣公夏濫於泗淵

宣公魯文公于名倭濫漬也漬畧於泗水之淵以取魚也

里革斷

其罟而棄之曰古者大寒降土蟄發

降下也寒氣初下謂季冬建丑之月

大寒後也土蟄發謂孟春建寅之月蟄始震也

水虞於是乎講眾罟取名魚登

川禽而嘗之寢廟行諸國人助宣氣也

水虞漁師也掌川澤之禁令講

習也。眾魚網也。留筭也。月令季冬始漁，乃鳥獸孕水蟲。嘗魚先薦寢廟。○眾攻胡切。留力九切。

成此謂獸虞於是乎禁置羅罝魚鼈，以為夏槁獸虞掌

春時

禁令置兔罟羅鳥罟也。禁禁不得施也。罝撥也。槁乾也。

夏不得取，故於此時撥刺魚鼈，以為夏儲。○置音差。罝

側角切。助生阜也。阜長也。鳥獸方孕，故鳥獸成水蟲孕水

取魚鼈助生物也。

虞於是乎禁置羅罝設罝鄂置當為罝罝小網也。罝陷

也。鄂作格，所以誤獸也。謂立

夏鳥獸已成，水蟲懷孕之時，禁魚以實廟庖畜功用也。

鼈之網設取獸之物也。○麗音鹿。

以實廟庖畜功用也。

且夫山不槎櫟，澤不伐天艸木

槎斫也。以株生曰槎。

○澤不伐天，未成

曰魚禁。鯤鰔魚子也。鰔音昆。鰔音而。獸長麇麇鹿子曰麇。麇子曰麇。

天魚禁鯤鰔也。

○鯤音昆。鰔音而。獸長麇麇，麇子曰麇。

○麋音倪鳥皓切鳥翼殼卵翼成也生哺曰殼未乳曰蟲舍蚘

蚘蚘子也可以為醢蚘復陶也可食舍不取也○蚘陳知切蚘於權切蕃庶物也古之

訓也令魚方別孕不教魚長又行網罟貪無藝也別別於雄

而懷子也藝極也公聞之曰吾過而里革匡我不亦善乎是良

罟也為我得法使有司藏之使吾無忘諭告也○諭式荏切師

存侍師樂師存名也曰藏罟不如實里革於側之不忘也實置也○

實支義切

公父文伯退朝

公父文伯退朝朝其母其母方績文伯曰以歎之家而

主猶績

歎文伯名大夫稱主妻亦如之

懼干季孫之怒也

季孫康子也位尊又為大

宗其以歎為不能事主乎其母歎曰魯其亡乎使僮子

備官而未之聞邪居吾語女昔聖王之處民也擇瘠土

而處之

境確為瘠

勞其民而用之故長王天下夫民勞則思

思則善心生逸則淫淫則忘善忘善則惡心生沃土之

民不材淫也

沃肥美也不材器能少也

瘠土之民莫不嚮義勞也是

故天子大采朝日與三公九卿祖識地德

禮朝日以春分周禮王楷

大圭執鎮圭藻五采五就以朝日
則大采謂此也祖習也識知也

日中考政與百官之

政事師尹惟旅牧相宣序民事

旅衆士也牧州牧也相國相也皆百官政事之

所及也師

少采夕月與大史司載糾虔天刑

夕月以秋分糾共也

尹公也

虔敬也刑法也朝日以五采則夕月其三

日入監九御

采也載天文也司天文謂馮相氏保章氏

使潔奉禘郊之粢盛

九御九嬪之官主粢盛祭服者

而後即安諸侯朝

修天子之業命書考其國職夕省其典刑夜儆百工使

無怙淫而後即安

工官也怙慢也

卿大夫朝考其職書講其庶

政夕序其業夜庀其家事而後即安

庀治也○庀兩婢切

士朝而

受業晝而講貫夕而習復夜而計過無憾而後即安自

庶人以下明而動晦而休無日以怠王后親織玄統統所

以縣瑱當耳者○統丁感切公侯之夫人加之以紘紝既織統又加

冕曰紘紘纓之無綖者也從下而上不結紝冕上之覆也○紘音宏紝音延卿之內子為大

帶卿之適妻曰內命婦成祭服命婦大夫之妻也列士

之妻加之以朝服列士元士也既成祭服又加之以朝服也自庶士以下皆

衣其夫庶士下士也社而賦事烝而獻功社春分祭社也事農桑之

屬也冬祭曰烝烝而獻五穀布帛之功也男女效績愆則有辟古之制也君

子勞心小人勞力先王之訓也自上以下誰敢淫心舍

力今我寡也爾又在下位

下位下大夫也

朝夕處事猶恐忘先

人之業況有怠惰其何以避辟吾冀而朝夕修我曰必
無廢先人爾今曰胡不自安以是承君之官余懼穆伯
之絕祀也仲尼聞之曰弟子志之季氏之婦不淫矣

仲尼在陳

仲尼在陳有隼集於陳侯之庭而死楷矢貫之石罍其

長尺有咫

隼鷙鳥也令之鶚也楷木名若鐵也以石為之八寸曰咫○隼音尹切楷音苦若音奴又音

勞陳惠公使人以隼如仲尼之館問之

惠公陳哀公之孫悼大子之子

也吳仲尼曰隼之來也遠矣此肅慎氏之矢也

傳曰肅慎燕亳吾北

也昔武王克商通道於九夷百蠻使各以其方賄來貢

使無忘職業於是肅慎氏貢楛矢石砮其長尺有咫先

王欲昭其令德之致遠也以示後人使永監焉故銘其

楛曰肅慎氏之貢矢

刻曰銘楛箭羽之間也○楛古活切

以分大姬配虞

胡公而封諸陳

大姬武王元女胡公舜後虞遏父之子胡滿也

古者分同姓以

珍玉展親也

展重也玉謂若夏后氏之璜

分異姓以遠方之職貢使

無忘服也故分陳以肅慎氏之貢君若使有司求諸故府其可得也使求得之金積如之

積槓也

齊閭丘來盟

齊閭丘來盟

閭丘齊大夫閭丘明也來盟在魯哀八年

子服景伯戒宰人曰

陷而入於恭

景伯魯大夫子服惠伯之孫昭伯之子子服何也陷猶失過也如有失過寧近於恭

也閔馬父笑景伯問之對曰笑吾子之大滿也

滿驕也

昔

正考父校商之名頌十二篇於周大師以那為首

正考父宋

大夫孔子之先也名頌頌之美者也商其輯之亂

輯成也凡

作篇章義既成撮其大要以為亂辭曰自古在昔先民曲終乃更變章亂節故謂之亂也

有作溫恭朝夕執事有恪先聖王之傳恭猶不敢專稱

曰自古古曰在昔昔曰先民今吾子之戒吏人曰陷而

入於恭其滿之甚也周恭王能庇昭穆之闕而為恭庇

也恭王周昭王之孫穆王之子也昭王南征而不反穆王欲肆其心皆有闕失言恭王能庇覆之故為恭也

楚恭王能知其過而為恭恭王楚莊王之子也知其過者有疾召大夫曰若沒請為

靈若今吾子之教官寮曰陷而後恭道將何為

桓公自莒反於齊齊語

桓公自莒反於齊

桓公齊大公之後僖公之子襄公之弟小白也襄公立其政無常鮑叔牙

奉小白出奔莒公孫無知殺棄公而立管夷吾召忽奉

公子糾奔魯齊人殺無知魯莊公伐齊納子糾桓公自

莒先

使鮑叔為宰

鮑叔齊大夫叔牙也宰大宰也

辭曰臣君之庸臣也

君加惠於臣使不凍餒則是君之賜也若必治國家者

則非臣之所能也若必治國家者則管夷吾乎

管夷吾齊卿姬

姓之後管莊仲之子敬仲也

臣之所不若夷吾者五寬惠柔民弗若

也治國家不失其柄弗若也忠信可結於百姓弗若也

制禮義可法於四方弗若也執枹鼓立於軍門使百姓

加勇焉弗若也

軍門若今牙門○抱音乎

桓公曰夫管夷吾射寡人

中鉤是以濱於死

濱近也管仲臣於子糾乾時之戰親射桓公中鉤

鮑叔對曰

夫為其君動也君若宥而反之夫猶是也桓公曰若何

若何得還也

鮑子對曰請諸魯桓公曰施伯魯君之謀臣也

施伯魯大夫惠公之孫施父之子

夫知吾將用之必不予我矣若之何

鮑子對曰使人請諸魯曰寡君有不令之臣在君之國

欲以戮於羣臣故請之則予我矣桓公使請諸魯如鮑

叔之言莊公以問施伯施伯對曰此非欲戮之也欲用

其政也夫管子天下之才也所在之國則必得志於天

下令彼在齊則必長為魯國憂矣莊公曰若何施伯對

曰殺而以其屍授之莊公將殺管仲齊使者請曰寡君

欲親以為戮若不得以戮於羣臣猶未得請也請生

之於是莊公使束縛以予齊使齊使受而以退比至三

轡三浴之

以香塗身曰轡

桓公親逆之於郊

逆迎也

而與之坐問

焉曰昔吾先君襄公築臺以為高位田狩畢弋

畢掩雉兔之網

也弋繳射也

不聽國政卑聖侮士而惟女是崇九妃六嬪陳

妾數百食必梁肉衣必文繡戎士凍餒戎車待游車之

裂戎士待陳妾之餘優笑在前賢材在後是以國家不

日引不月長恐宗廟之不掃除社稷之不血食敢問為

此若何管子對曰昔吾先王昭王穆王世法文武遠績

以成名合羣容比較民之有道者容老也設象以為民紀

設象設教象之法於象魏也式權以相應式用也權平也比綴以度比比其衆寡綴

連也連其夫家也度法也縛本肇末縛等也肇正也勸之以賞賜糾

之以刑罰班序顛毛以為民紀統顛頂也毛髮也次列頂髮之白黑使長幼

有桓公曰為之若何管子對曰昔者聖王之治天下也

參其國而伍其鄙

參三也國郊以內也鄙郊以外也謂三分國都以為三軍五分其鄙以為

五屬也定民之居成民之事

謂使四民各居其職所也陵為之終葬也

而慎用其六柄焉

六柄生殺貧富貴賤也

桓公曰成民之事若何

管子對曰四民者勿使雜處

四民謂士農工商也雜處則其言

其事易

唯亂貌易變易也○唯末江切

公曰處士農工商若何管子對

曰昔聖王之處士也使就閒燕處工就官府處商就市

井處農就田野令夫士羣萃而州處

萃集也州聚也

閒燕則父

與父言義子與子言孝其事君者言敬其幼者言悌少

而習焉其心安焉不見異物而遷焉是故其父兄之教

不肅而成其子弟之學不勞而能夫是故士之子恒為

士令夫工羣萃而州處審其四時言四時各有宜辨其功苦功

也苦權節其用節節其大論比協材論擇也比比其善

也剛柔也旦莫從事施於四方施其物用於四方也以飭其子弟相語

以事相示以巧相陳以功少而習焉其心安焉不見異

物而遷焉是故其父兄之教不肅而成其子弟之學不

勞而能夫是故工之子恒為工令夫商羣萃而州處察

其四時

四時所用者
豫資之也

而監其鄉之資

視其貴
賤有無

以知其市

之賈負任儋何

背曰負肩曰儋任抱也何揭
也○儋丁炎切何合可切

服牛輅馬

服牛車也
輅馬車也

以周四方以其所有易其所無市賤鬻貴旦

莫從事於此以飭其子弟相語以利相示以賴

賴贏也相

陳以知賈少而習焉其心安焉不見異物而遷焉是故

其父兄之教不肅而成其子弟之學不勞而能夫是故

商之子恒為商令夫農羣萃而州處察其四時

四時樹
藝各有

宜權節其用耒耜枷芟

權平也平節其器用大小偁句之宜也枷拂也所以擊草也芟

大鎌所以芟草也○枷古牙切芟所銜切

及寒擊菓除田

寒謂季冬大寒之時也菓枯草也○

菓古老切通作橐

以待時耕

時耕謂立春之後

及耕深耕而疾耨之以

待時雨

耨摩平也

時雨既至挾其耒耜耨耨

耒耜也耨耨也耨耨也

也○耒七羊切

以旦莫從事於田野脫衣就功首戴茅蒲身衣

襦

茅蒲登笠也襦襦藁薜衣也○襦本末切襦始亦切

霑體塗足暴其髮膚盡

其四支之敏以從事於田野少而習焉其心安焉不見

異物而遷焉是故其父兄之教不肅而成其子弟之學

不勞而能夫是故農之子恒為農野處而不暱

暱近也

其

秀民之能為士者必足賴也有司見而不以告其罪五

有司掌民之官也

有司已於事而竣

已畢也竣伏退也

桓公曰定民之

居若何管子對曰制國以為二十一鄉

國都城郭之域也惟士工商

而已農

桓公曰善管子於是制國以為二十一鄉

二千

一鄉二十一鄉凡四萬二千

工商之鄉六

工商各三也二者不從戎

役士鄉十五

此士軍士也十五鄉合三萬人是为三軍農野處而不暱不在都邑之數則下所云

伍鄙公帥五鄉焉

五鄉萬人是為國子帥五鄉焉高子

是也

帥五鄉焉

國子高子皆齊上卿各帥五鄉為左右軍也

參國起案以為三官

參三也案界也分

臣立三宰

三宰三卿也

工立三族

族屬也上言工

國事以為三也

商之鄉六市立三鄉

市商也

澤立三虞

周禮有澤虞之官

山立三

衡

周禮有山虞林衡之官

桓公曰吾欲從事於諸侯其可乎管子

對曰未可國未安桓公曰安國若何管子對曰修舊法

擇其善者而業用之

業猶創也

遂滋民與無財

遂育也滋長也貧無財者

振業之也

而敬百姓則國安矣桓公曰諾遂修舊法擇其善

者而業用之遂滋民與無財而敬百姓國既安矣桓公

曰國安矣其可乎管子對曰未可君若正卒伍修甲兵

周禮五人為伍百人為卒今管子亦以五人為伍而以二百人為卒則大國亦將正卒伍

修甲兵則難以速得志矣君有攻伐之器小國諸侯有

守禦之備則難以速得志矣君若欲速得志於天下諸

侯則事可以隱令可以寄政事戎事也隱匿也寄託也匿軍令託於國政若有征

伐鄰國不知也桓公曰為之若何管子對曰作內政而寄軍令

焉內政國政也因治政以寄軍令也桓公曰善管子於是制國五家為

軌軌為之長軌中一人為之長也十軌為里里有司四里為連連

為之長十連為鄉鄉有良人焉

良人鄉大夫也

以為軍令

為軍掌令

五家為軌故五人為伍軌長帥之十軌為里故五十人

為小戎里有司帥之

小戎兵車也此有司之所乘故曰小戎古者戎車一乘步卒七十二

人今齊四十里為連故二百人為卒連長帥之十連為鄉

故二千人為旅鄉良人帥之五鄉一帥故萬人為一軍

五鄉之帥帥之

五鄉每一軍為五鄉也鄉帥卿也萬人為軍齊制也周則萬二千五百人為軍

帥長也三軍故有中軍之鼓有國子之鼓有高子之鼓春

以發振旅

發色

秋以獮治兵

獮蘇

是故卒伍整於里軍

旅整於郊內教既成令勿使遷徙伍之人祭祀同福死

喪同恤禍灾共之人與人相疇家與家相疇

疇匹也

世同

居少同遊故夜戰聲相聞足以不乖書戰目相視足以

相識其歡欣足以相死居同樂行同和死同哀是故守

則同固戰則同彊君有此士也三萬人以方行於天下

方猶橫也

以誅無道以屏周室

屏猶蕃也。屏卑郢切。

天下大國之君

莫之能禦也

正月之朝鄉長復事

正月之朝鄉長復事

鄉長鄉大夫也復白也

君親問焉曰於子之

鄉有居處好學慈孝於父母聰慧質仁發聞於鄉里者

有則以告有而不以告謂之蔽明其罪五有司已於事

而竣桓公又問焉曰於子之鄉有拳勇股肱之力秀出

於衆者有則以告有而不以告謂之蔽賢其罪五有司

已於事而竣桓公又問焉曰於子之鄉有不慈孝於父

母不長弟於鄉里驕躁淫暴不用上令者有則以告有

而不以告謂之下比

比阿黨也

其罪五有司已於事而竣是

故鄉長退而修德進賢桓公親見之遂使役官

役為桓也

公令官長期而書伐

期年也伐功也

以告且選選其官之賢

者而復用之

復白也

曰有人居我官有功休德惟慎端慤

以待時使民

待時動不違時也

以勸綏謗言足以補官之不善

政桓公召而與之語訾相其質

訾量也相視也○訾于斯切

足以比

成事

比輔也

誠可立而授之

言可以立為大官而授之事也

設之以國家

之患而不疚退問其鄉以觀其所能而無大厲升以為

上卿之贊

贊輔也

謂之三選

三選謂鄉長所進官長所選公所訾相也

國子高

子退而修鄉鄉退而修連連退而修里里退而修軌軌

退而修伍伍退而修家是故匹夫有善可得而舉也匹

夫有不善可得而誅也政既成鄉不越長

鄉里以齒長幼不相踰也

朝不越爵

賢不肖之爵不相越也

罷士無伍

無行曰罷無伍無與為伍也

罷女

無家

夫稱家也

夫是故民皆勉於善與其為善於鄉也不如

為善於里與其為善於里也不如為善於家是故士莫

敢言一朝之便皆有終歲之計莫敢以終歲之議皆有

終身之功桓公曰伍鄙若何

管子言參其國而伍其鄙內政既備故復問伍鄙

之事管子對曰相地而衰征則民不移相視也衰差也視土地之美惡及所

生出以差征賦之輕重也○衰初追切政不旅舊則民不偷舊君之故舊也不以故人

為師旅則民相與不苟且也山澤各致其時則民不苟時謂虞衡之官禁令各順

其時則民之陸阜陵瑾井田疇均則民不憾高平曰陸大陸曰阜

大阜曰陵瑾溝上之道也九夫為井井間有溝穀地曰田麻地曰疇○瑾其各切無奪民時則

百姓富犧牲不略則牛羊遂略奪也遂長也桓公曰定民之居

若何管子對曰制鄙三十家為邑邑有司制野鄙之政也此以下與

郊內之十邑為卒卒有卒帥十卒為鄉鄉有鄉帥三鄉政異也

為縣縣有縣帥十縣為屬屬有大夫五屬故立五大夫

各使治一屬焉

五屬四十萬家

立五正

正長也

各使聽一屬焉

是故正之政聽屬

正五正也聽大夫之治也

牧政聽縣

牧五屬大夫也聽縣帥之

治下政聽鄉

下政縣帥也聽鄉帥之治

桓公曰各保治爾所無或淫

怠而不聽治者

御選古文淵鑒卷五

欽定四庫全書

總校官庶吉士臣張能照

校對官助教臣汪錫魁

謄錄監生臣沈浩

欽定四庫全書薈要

集部

御選古文淵鑒卷六

七

御選古文淵鑒卷六目錄

周



桓公欲從事於諸侯

文公問于胥臣

叔向見韓宣子

莊王使士亹傳太子蒧

靈王為章華之臺

左史倚相廷見申公子亹

靈王虐白公子張驟諫

闕且廷見令尹子常

王孫圉聘于晉

吳王夫差起師伐越

吳王夫差告諸大夫

吳王還自伐齊

吳王夫差還自黃池

越王句踐即位三年而欲伐吳

御選古文淵鑒卷六目錄

御選古文淵鑒卷六

內閣學士兼禮部侍郎教習庶吉士臣徐乾學等奉

旨編注

周

國語

桓公欲從事於諸侯

桓公曰吾欲從事於諸侯其可乎管子對曰未可鄰國

未吾親也君若欲從事於天下諸侯則親鄰國桓公曰

若何管子對曰審吾疆場而反其侵地

侵地齊所侵取鄰國之地

正

其封疆無受其資

積土為封資資財也

而重為之皮幣以驟聘覲

於諸侯

覲視也○重直隴切覲通弔切

以安四鄰則四鄰之國親我矣

為游士八十人奉之以車馬衣裘多其資幣使周游於

四方以號召天下之賢士皮幣玩好使人鬻之四方以

監其上下之所好擇其淫亂者而先征之桓公問曰夫

軍令則寄諸內政矣齊國寡甲兵為之若何管子對曰

輕過而移之甲兵

謂輕其過使以甲兵贖罪

桓公曰為之若何管子

對曰制重罪贖以犀甲一戟

重罪死刑也犀犀皮也犀甲可用為甲戟車戟也

輕

罪贖以鞮盾一戟

輕罪剗刑之屬也鞮盾綴革有文如鞮也○鞮求位切盾神允切

小

罪適以金分

小罪不入於五刑者以金贖有分兩之差○分符問切

宥間罪

宥赦也間

罪刑罰之疑者也○問居諫切

索訟者三禁而不可上下坐成以束矢

索求也求訟者之情也三禁禁之三日使審實其辭也而不可上下者辭定不可移也坐成訟獄之坐已成也十二矢為束則訟者坐成以束矢入於朝乃聽其訟○索所白切

美金以鑄劍戟試諸

狗馬惡金以鑄鉏夷斤櫨

夷平也所以削草平地斤形如鉏而小櫨斫也○櫨丁錄

切試諸壤土甲兵大足桓公曰吾欲南伐何主

主主人供軍用

也管子對曰以魯為主反其侵地堂潛

堂潛魯二邑也

使海於

有蔽渠弭於有渚

有蔽言可依蔽也渠弭稗海也水中可居者曰渚

環山於有

牢

環繞也牢牛羊豕也

桓公曰吾欲西伐何主管子對曰以衛為

主反其侵地臺原姑與漆里

衛之四邑

使海於有蔽渠弭於

有渚環山於有牢桓公曰吾欲北伐何主管子對曰以

燕為主

燕漁陽薊縣

反其侵地柴夫吠狗

燕之二邑

使海於有蔽

渠弭於有渚環山於有牢四鄰大親既反侵地正封疆

地南至於餉陰

餉陰地名齊南界也○餉音陶

西至於濟北至於河東

至於紀鄆

紀故紀侯之國鄆紀季之邑以入於齊者○鄆戶圭切

有革車八百乘

齊法五十人為小戎車八百乘有四萬人

擇天下之甚淫亂者而先征之即

位數年東南多有淫亂者萊莒徐夷吳越

萊東萊莒琅邪縣徐夷徐

州之夷也

一戰帥服三十一國遂南征伐楚濟汝踰方城望

汶山

汶水名方城楚北之阮塞也汶山楚山也

使貢絲於周而反荊州諸侯

莫不來服遂北伐山戎

山戎鮮卑

荊令支斬孤竹而南歸

二國

山戎之與也制擊也斬伐也令支縣屬遼西孤竹之城存焉○制音拂

海濱諸侯莫不來

服與諸侯飾牲為載以約誓於上下庶神

飾牲陳其牲為載書加於

牲上而已不歆血也

與諸侯戮力同心西征攘白翟之地

攘卻也白翟赤

翟之別種

至於西河

西河白翟之西

方舟設桴濟河

方併也編木曰桴小

桴曰桴附音孚

至於石抗

石抗晉地名

縣車束馬踰太行與辟耳

之谿拘夏

太行辟耳山名拘夏辟耳之谿也三者皆山陰谿谷故縣鈞其車偪束其馬而以度也

西服汭沙西吳

汭沙西吳雖州之地○汭古流字

南城周

周襄王庶弟子帶作亂伐

襄王桓公使仲孫湫徵諸侯戌周而城之事在魯僖十三年

反胙於絳

謂天子致祭胙賓以大路

龍旂桓公於絳辭之絳晉國都也

嶽濱諸侯莫不來服

嶽北嶽常山也

而大朝

諸侯於陽穀

陽穀之會
魯僖三年

兵車之屬六乘車之會三

亦屬

會也兵車之會謂魯莊十三年會于北杏十四年會于

鄆十五年復會于鄆魯僖元年會于榘十三年會于鹹

十六年會于淮也乘車之會

在僖三年會于葵丘凡九也諸侯甲不

陽穀五年會于首止九年會于葵丘凡九也

諸侯甲不

解纍

纍所以盛甲也
○纍力追切

兵不解翳

翳所以蔽兵也
○翳於計切

發無弓

服無矢

發弓衣服矢服
也○發吐刀切

隱武事行文道帥諸侯而朝天

子葵丘之會天子使宰孔致胙於桓公

天子周襄王也
宰孔宰周公也

曰余一人之命有事於文武使孔致胙且有後命曰以

爾自卑勞實謂爾伯舅無下拜

天子稱五官之
伯異姓曰伯舅

桓公召

管子而謀管子對曰為君不君為臣不臣亂之本也桓

公懼出見客曰天威不遠顔咫尺小白余敢承天子之

命曰爾無下拜恐隕越於下以為天子羞遂下拜升受

命賞服大路龍旂九旒渠門赤旂

大路諸侯朝服之車謂金路渠門亦旂名

赤旂大旂也

諸侯稱順焉

言下拜順於禮也

桓公憂天下諸侯魯有

夫人慶父之亂

夫人魯莊夫人哀姜也慶父莊公之弟共仲也通於哀姜莊公薨慶父殺太子

般在莊三十二年

二君殺死國絕無嗣桓公聞之使高子存之

高子齊卿高侯敬仲也存之謂立僖公而存魯也

翟人攻邢桓公築夷儀以封

之

邢姬姓周公之後也夷儀邢邑也翟人攻邢在莊三十二年封而遷之在魯僖元年

男女不淫

牛馬選具

淫見淫畧也選數也

翟人攻衛衛人出廬於曹

廬寄也翟人攻

衛殺懿公

遂入衛衛人出走立公孫申以寄于曹在魯閔二年

桓公城楚丘以封之

楚丘

衛地事在魯僖二年

其畜散而無育桓公與之繫馬三百

繫馬良馬在閑

非放牧者也

天下諸侯稱仁焉於是天下諸侯知桓公之為

已動也是故諸侯歸之譬若市人桓公知諸侯之歸已

也故使輕其幣而重其禮故天下諸侯罷馬以為幣

罷不

任用縷纂以為奉

奉藉也所以藉玉之藻也縷纂以縷織纂不用絲取易共也纂織文也

鹿皮四个

个枚也

諸侯之使垂橐而入

垂言空而來也橐發也○橐古刀切

相載而歸

相苦本切

故拘之以利結之以信示之以武故天

下小國諸侯既許桓公

許謂聽其盟約

莫之敢背就其利而信

其仁畏其武桓公知天下諸侯多與已也故又大施忠

焉可為動者為之動可為謀者為之謀軍譚遂而不有

也諸侯稱寬焉

軍謂以軍滅之也不有以分諸侯也在魯莊十年及十三年

通齊國

之魚鹽於東萊

東萊齊東萊夷也

使關市幾而不征

幾幾異服識異言也

取魚鹽者不征税

以為諸侯利諸侯稱廣焉築葵茲晏負夏領

釜丘

四者皆扼塞與山戎衆翟接者

以禦戎翟之地所以禁暴於諸侯

也築五鹿中牟蓋與牡丘

四塞諸夏之關也

以衛諸夏之地所

以示權於中國也教大成定三革隱五刃

定莫也隱藏也三革甲冑

盾也五刃刀劍矛戟矢也

朝服以濟河而無怵惕焉

濟河西行度河以平晉也

文

事勝矣是故大國慙愧小國附協唯能用管夷吾甯戚

隰朋賓胥無鮑叔牙之屬而伯功立

五子皆齊卿大夫隰朋齊莊公之曾

孫戴仲之子成子也

文公問于胥臣

晉語

文公問于胥臣曰吾欲使陽處父傳謹也而教誨之其

能善之乎

謹文公子
襄公名

對曰是在謹也

蘧蔭

蘧音渠蔭音除

戚施不可使仰

戚施僂人

僂不可

使舉

僂僂長三尺

不可使舉重

侏儒不可使援

侏儒短者不可

使抗援

侏章俱切

矇矓不可使視

有眸子曰矇矓矓矓不可使言

矓矓不可使言

口不道忠信之言為矓矓不能

聾聵不可使聽

耳不別五音之

和曰聾生

僂昏不可使謀質將善而賢良贊之則濟可

矣也若有違質教將不入其何善之為臣聞昔者大任

姬文王不變

不變不變動也

少溶于豕牢而得文王不加病焉

少小也溶便也豕牢厠也○溶音豎

文王在母不憂

不變故不憂也

在傳弗勤處

師弗煩事王不怒敬友二號

號文王弟號仲號叔也

而惠慈二蔡

二蔡文王子管叔初亦為蔡

刑于大妣

刑法也大妣文王妃

比於諸弟

比親也諸弟同

宗之

詩云刑于寡妻至于兄弟以御于家邦

大雅思

于

是乎用四方之賢良及其即位也詢于八虞

八虞周八士皆在虞

官而咨于二號度于閔天而謀于南宮

皆周賢臣度亦謀也南宮南宮

適諏于蔡原而訪于辛尹

蔡公原公辛甲尹佚

重之以周召畢榮

周文公召康億寧百神

億安也

而柔和萬民故詩曰惠于

公畢公榮公

亦思齊篇

是則文王非專教誨之力也公曰

然則教無益乎對曰胡為文益其質故人生而學非學

不入公曰奈夫八疾何對曰官師之所材也

師長也材古裁字

戚施直鈔

直主擊鈔鐘也

蘧蔭蒙璆

蒙戴也璆玉磬也不能倂故使之戴磬○璆巨

牛侏儒扶盧

扶緣也盧矛戟之秘緣之以為戲

矇矇修聲

無目于音聲審故使修之

聾聵司火

耳無聞于視則審故使主火

僮昏嚚瘖僂官師所不材

也以實裔土夫教者因體能質而利之者也

能才也

若川

然有原以印浦而後大

印迎也言川有原因開利迎之以浦然後大也○印牛嫁切

叔向見韓宣子

叔向見韓宣子宣子憂貧叔向賀之宣子曰吾有卿之

名而無其實無以從二三子

從隨也隨其轉贈之屬

吾是以憂子

賀我何故對曰昔樂武子無一卒之田

上大夫一卒之田樂書為晉上

卿而反不及

其官不備其宗器

宗宗官器祭器

宣其德行順其憲則

使越於諸侯

越發聞也

諸侯親之戎狄懷之以正晉國行刑

不疚以免於難及桓子驕泰奢侈貪欲無藝畧則行志

畧犯也則法也

假貸居賄

居蓄也

宜及於難而賴武之德以沒其

身及懷子改桓之行而修武之德可以免於難而離桓

之罪以亡於楚

亡奔也

夫卻昭子

昭子卻至也

其富半公室其

家半三軍恃其富寵以泰于國其身尸于朝其宗滅于

絳不然夫八郤五大夫三卿

三卿卻錡卻至卻犇又有五人為大夫

其寵

大矣一朝而滅莫之哀也唯無德也今吾子有樂武子

之貧吾以為能其德矣是以賀若不憂德之不建而患

貨之不足將弔不暇何賀之有宣子拜稽首焉曰起也

將亡賴子存之非起也敢專承之其自桓叔以下嘉吾

子之賜

桓叔韓氏之祖曲沃桓叔也桓叔生子萬受韓以為大夫是為韓萬

莊王使士亶傳太子蒧

楚語

莊王使士亶傳太子蒧

莊王楚成王之孫穆王之子蒧也蒧恭王名○亶忘偉切蒧之

林切辭曰臣不材無能益焉王曰賴子之善善之也對曰

夫善在大子太子欲善善人將至若不欲善善則不用

故堯有丹朱舜有商均啟有五觀

五觀啟子大康昆弟也觀洛汭之地書序

曰大康失國昆弟五人須于洛汭傳曰夏有觀危

湯有大甲文王有管蔡是五

王者皆元德也而有姦子夫豈不欲其善不能故也若

民煩可教訓

煩亂也

蠻夷戎翟其不賓也久矣中國所不

能用也王卒使傅之問于申叔時

叔時楚賢大夫申公也

叔時曰

教之春秋而為之聳善而抑惡焉以戒勸其心

以天時紀人事

謂之春秋教之世而為之昭明德而廢幽昏焉

世先王之世繫也

以

休懼其動

休嘉也動行也

教之詩而為之道廣顯德以耀明其

志

道開也

教之禮使知上下之則教之樂以疏其穢而鎮

其浮教之令使訪物官

令先王之官法時令也訪議也物事也使議知百官之事業

教之語使明其德而知先王之務用明德於民也

語治國之

善教之故志使知廢興者而戒懼焉

故志謂所記前世成敗之書

教

之訓典使知族類行比義焉

訓典五帝之書也族類謂若惇敘九族比義義之與

也比若是而不從動而不悛則文詠物以行之

文文詞也詠風也謂

以文詞風托事求賢良以翼之悛而不攝則身勤之

攝

也勤勤身以勗勉也多訓典刑以納之務慎惇篤以固之攝而不

徹徹通也則明施舍以道之忠

施己所欲原心舍過謂之忠恕明久長以

道之信明度量以道之義明等級以道之禮明恭儉以

道之孝明敬戒以道之事明慈愛以道之仁明昭利以

道之文

昭明也明利人及物

明除害以道之武明精意以道之

罰

明盡精意斷之以情

明正德以道之賞

正德謂不明私所愛也

明齊肅以耀

之臨如是而不濟不可為也且夫誦詩以輔相之威儀

以先後之體貌以左右之明行以宣翼之制節義以動

行之恭敬以臨監之勤勉以勸之孝順以納之忠信以

發之德音以揚之教備而不從者非人也其可興乎夫

子踐位則退

夫子大子退謙退也

自退則敬不則報

靈王為章華之臺

靈王為章華之臺

靈王楚恭王之庶子熊虔也章華地名

與伍舉升焉曰

臺美夫

伍舉秋舉也秋邑也

對曰臣聞國君服寵以為美

服寵謂以賢受

寵服是為美也

安民以為樂聽德以為聰致遠以為明不聞其

以土木之崇高彤鏤為美

彤謂丹楹鏤謂刻楠○彤大冬切

而以金石

匏竹之昌大噐庶為樂

金鐘也石磬也匏笙也竹簫也昌盛也噐華也庶衆也

不

聞其以觀大視侈淫色以為明而以察清濁為聰也

清濁

宮羽先君莊王為匏居之臺

匏居臺名

高不過望國氛

氛稷氣也

大不過容宴豆

言宴有折俎
邊豆之陳

木不妨守備

不妨城郭
守備之材

用

不煩官府

財用不
出府藏

民不廢時務官不易朝常問誰宴焉

則宋公鄭伯問誰相禮則華元駟駢

相相導也華元宋
卿華御事之子右

師元也駢鄭穆
公之子子駟也

問誰贊事則陳侯蔡侯許男頓子其大

夫侍之先君是以除亂克敵而無惡于諸侯今君為此

臺也國民罷焉財用盡焉年穀敗焉百官煩焉舉國留

之

留治也

數年乃成願得諸侯與始升焉諸侯皆距無有

至者而後使大宰啟疆請於魯侯

啟疆楚卿遂子也魯
侯昭公也事在昭七

年懼之以蜀之役

蜀魯地公子嬰齊帥師侵魯至蜀在魯成二年

而僅得以來

使富都那豎贊焉

富富于容貌都開也那美也豎未冠者也言取美好不尚德也

而使

長鬣之士相焉

長鬣美須頰也鬣力輒切

臣不知其美也夫美也

者上下外内小大遠爾皆無害焉故曰美若於目觀則

美縮於財用則匱

也縮取

是聚民利以自封而瘠民也胡

美之為夫君國者將民之與處民實瘠矣君安得肥且

夫私欲弘侈則德義鮮少德義不行則邇者騷離而遠

者距違天子之貴也唯其以公侯為官正而以伯子男

為師旅其有美名也唯其施令德於遠近而小大安之也若斂民利以成其私欲使民蒿焉忘其安樂而有遠

心其為惡也甚矣安用目觀故先王之為臺榭也積土曰臺

無室曰榭榭不過講軍實講習也軍實戎士也臺不過望氛祥凶氣為氛吉氣

為祥故榭度於大卒之居大卒王士卒也度臺度於臨觀

之高足以臨下觀上使屋榭不蔽目明而已其所不奪穡地其為不匱財

用其事不煩官業其日不廢時務瘠磽之地于是乎為

之磽口城守之木于是乎用之城守之餘官寮之暇于

交切

然後用之

是乎臨之四時之隙于是乎成之故周詩曰經始靈臺
經之營之庶民攻之不日成之經始勿亟庶民子來王
在靈囿麋鹿攸伏大雅靈臺篇夫為臺榭將以教民利也不
知其以匱之也若君謂此臺美而為之正以為得事之正楚其
殆矣

左史倚相廷見申公子亶

左史倚相廷見申公子亶

倚相楚左史也子亶楚申公史老也

子亶不出

左史謗之舉伯以告

舉伯楚大夫

子亶怒而出曰女無亦謂

我老耄而舍我而又謗我左史曰唯子老耄故欲見以

交傲子若子方壯能經營百事倚相將奔走承序

承受事業

次序也於是不給而何暇得見昔衛武公年數九十有五

矣

武公衛僖公之子共伯之弟武公和也

猶歲傲於國曰自卿以下至於

師長士

師長大夫士衆士也

苟在朝者無謂我老耄而舍我必恭

恪于朝朝夕以交戒我聞一二之言必誦志而納之以

訓道我在輿有旅賁之規

規規諫也旅賁勇力之士掌執戈楯夾車而趨車止則持

輪位宁有官師之典

中庭之左右謂之位門屏之間謂之宁師長也典常也

倚几

有誦訓之諫

誦訓工師所誦之諫書之于几也

居寢有贊御之箴

贊近也○

音

臨事有贊史之道

事我祀也贊樂大師掌詒吉凶史大史也掌詒禮事

宴居有

師工之誦

師樂師工贊誦也誦謂箴諫也

史不失書瞽不失誦以訓御

之

御進也

于是乎作懿戒以自儆也

懿詩大雅抑之篇

及其沒也

謂之獻聖武公子實不獻聖于倚相何害周書曰文王

至于日中是不遑暇食惠于小民唯政之恭

無逸篇日昃曰昃

文王猶不敢惰今子老楚國而欲自安也以禦數者王

將何為

禦止也數者謂箴戒誹謗也為人臣尚如此王將復何為

若常如此楚其難

哉子亹懼曰老之過也

老子亹名也

乃驟見左史

靈王虐白公子張驟諫

靈王虐白公子張驟諫王患之謂史老曰吾欲已子張

之諫若何

史老子亹

對曰用之實難已之易矣若諫君則曰

余左執鬼中右執殤宮

中身也禮曰其中退然天死曰殤殤宮殤之居也執謂把其錄

籍制服其身知其居處

凡百歲諫吾盡聞之矣寧聞它言白公又

諫王如史老之言對曰昔殷武丁能聳其德至於神明

武丁高宗也聳敬也

以入於河

遷于河內

自河徂亳

從河內往都亳也

于是乎

三年默以思道卿士患之曰王言以出令也若不言是
無所稟令也武丁于是作書曰以余正四方余恐德之
不類茲故不言如是而又使以象夢求四方之賢聖得
傳說以來升以為公而使朝夕規諫曰若金用女作礪
若津水用女作舟若大旱用女作霖雨啟乃心沃朕心
若藥不瞑眩厥疾不瘳若跣不視地厥足用傷商書說
命篇
若武丁之神明也其聖之叡廣也其知之不疚也猶自
謂未乂故三年默以思道既得道猶不敢專制使以象

旁求聖人既得以為輔又恐其荒失遺忘故使朝夕規

誨箴諫曰必交修余無余棄也今君或者未及武丁而

惡規諫者不亦難乎齊桓晉文皆非嗣也非嫡嗣也還軫諸

侯不敢淫逸心類德音以得有國類善也近臣諫遠臣謗

輿人誦以自誥也是以其入也四封不備一同備滿也地方百

里曰方千里而至于有畿田曰畿以屬諸侯屬會也至于今為

令君桓文皆然君不度憂于二令君而欲自逸也無乃

不可乎周詩有之曰弗躬弗親庶民弗信詩小雅節南山篇臣

懼民之不信君也故不敢不言不然何急其以言取卑

也王病之曰子復語不穀雖不能用吾慙寘之於耳

猶慙

願也寘置也○慙

對曰賴君之用也故言不然已浦之

牛刃切寘之鼓切

犀聲兕象其可盡乎其又以規為瑱也

犀聲牛也規諫也瑱所以塞耳

也言四獸之牙角可以為瑱難盡也而又以遂趨而退

規諫為之乎已浦地名或曰已已郡浦合浦

歸杜門不出七月乃有乾谿之亂靈王死之

闕且廷見令尹子常

闕且廷見令尹子常

子常子囊之孫囊瓦也○且子余切

子常與之語問

蓄貨聚馬歸以語其弟曰楚其亡乎不然令尹其不免乎吾見令尹令尹問蓄聚積實如餓豺狼焉殆必亡者也夫古者聚貨不妨民衣食之利聚馬不害民之財用國馬足以行軍

國馬民馬也十六井為丘有戎馬一疋牛三頭足以行軍也

公馬足

以稱賦

公馬公之戎馬也稱舉也賦兵賦也

不是過也公貨足以賓獻

賓饗

贈也獻貢也

家貨足以共用不是過也夫貨馬郵則闕於民

郵過也闕缺也

民多闕則有離畔之心將何以封矣

封封國也昔鬬

子文三舍令尹

子文鬬伯比之子於菟也舍去也

無一日之積恤民之

故也成王聞子文之朝不及夕也

成王楚文王之子顯也

於是乎

每朝設脯一束粢一筐以羞子文

粢寒粥也羞進也○粢去久切

至于

今令尹秩之

秩常也

成王每出子文之祿必逃王止而後

復人謂子文曰人生求富而子逃之何也對曰夫從政

者以庇民也民多曠者而我取富焉是勤民以自封也

死無日矣我逃死非逃富也故莊王之世滅若敖氏唯

子文之後在至于今處鄖為楚良臣

莊王成王孫也若敖氏子文之族也

魯宣四年莊王滅若敖氏之族子文之孫歲尹克黃使于齊還而自拘于司敗王思子文之治楚也曰子文無

後何以勸善使復其所其子孫當昭王時為郢公

是不先恤民而後己之富乎

今子常先大夫之後也

先大夫子囊也

而相楚君無令名於四

方民之羸餒日日已甚

餒奴罪切

四境盈壘道殣相望盜賊

司目民無所放是之不恤而蓄聚不厭其速怨於民多

矣積貨滋多蓄怨滋厚不亡何待夫民心之愠也若防

大川焉潰而所犯必大矣子常其能賢於成靈乎成不

禮於穆願食熊蹯不獲而死

成成王穆王商臣之父也欲黜商臣而立其弟職商

臣圍成王王請食熊蹯而死

靈王不顧於民一國棄之如

死不聽遂自殺蹯掌也

遺迹焉子常為政而無禮不顧甚於成靈其獨何力以
待之期年乃有柏舉之戰子常奔鄭昭王奔隨

柏舉
楚地

王孫圉聘于晉

王孫圉聘于晉定公饗之趙簡子鳴玉以相

定公晉頃
公之子午

也簡子趙鞅也鳴玉
鳴其佩玉以相禮

問於王孫圉曰楚之白珩猶在乎

珩佩上之橫
者○珩音行

對曰然簡子曰其為寶也幾何矣曰未嘗

為寶楚之所寶者曰觀射父能作訓辭以行事於諸侯
使無以寡君為口實又有左史倚相能道訓典以敘百

物以朝夕獻善敗於寡君使寡君無忘先王之業又能

上下說乎鬼神順道其欲惡使神無有怨痛於楚國又

有數曰雲連徒洲金木竹箭之所生也

楚有雲夢藪澤也連屬也水中

之可居曰洲徒其名也

龜珠齒角皮革羽毛所以備賦用以戒不

虞者也

龜所以備吉凶珠所以禦火災角所以為弓弩齒象齒所以為弭皮虎豹皮所以為茵韃革屏

兕也所以為甲冑羽鳥羽也所以共幣帛以賓享於以為旌毛旄牛尾所以注竿首

諸侯者也若諸侯之好幣具而導之以訓辭有不虞之

備而皇神相之

能媚神故皇神相之皇大也

寡君其可以免罪於諸

侯而國民保焉此楚國之寶也若夫白珩先王之玩也

何寶焉圉聞國之寶六而已聖能制議百物以輔相國

家則寶之玉足以庇蔭嘉穀使無水旱之灾則寶之

玉祭

祀之玉也龜足以憲臧不則寶之珠足以禦火灾則寶之金

足以禦兵亂則寶之山林藪澤足以備財用則寶之若

夫譁囂之美

譁囂猶謹說謂若鳴玉以相

楚雖蠻夷不能寶也

吳王夫差起師伐越

吳語

吳王夫差起師伐越越王勾踐起師逆之江

夫差秦伯後闔廬子

姬姓也。句踐祝融後允常。
子羊姓也。○句居侯切。

大夫種乃獻謀曰：夫吳之與

越，唯天所授，王其無庸戰。夫申胥、華登、簡服、吳國之士

於甲兵而未嘗有所挫也。

申胥，楚大夫伍奢子，子胥也。名負魯，昭二十年奢誅于楚。

負奔吳，吳與之申地，故曰申胥。華登，宋司馬華費遂之子，華氏作亂，敗登奔吳。

夫一人善射，百

夫決拾。

決，鈎弦也。拾，捍也。

勝未可成。夫謀必素見成事焉而後

履之，不可以授命。

授命，猶關命也。

王不如設戎約辭，行成以喜

其民。

戎，兵也。約，卑也。成，平也。言設兵自守，卑約其辭以求平于吳。

以廣侈吳王之心。

吾以卜之于天天，若棄吳，必許吾成而不吾足也。將必

寬然有伯諸侯之心焉既罷弊其民而天奪之食安受

其燼乃無有命矣

吳無復有天命矣

越王許諾乃命諸稽郢行

成於吳曰寡君句踐使下臣郢不敢顯然布幣行禮敢

私告于下執事曰昔者越國見禍得罪於天王

見禍于天得罪

謂傷闔廬也言天王尊之以名

天王親趨玉趾以心孤句踐

孤棄也

而又

宥赦之君王之於越也繫起死人而肉白骨也

繫是孤也

不敢忘天災其敢忘君王之大賜乎今句踐申禍無良
草鄙之人敢忘天王之大德而思邊垂之小怨以重得

罪于下執事句踐用帥二三之老親委重罪頓顙於邊
今君王不察盛怒屬兵將殘伐越國越國固貢獻之邑
也君王不以鞭箠使之而辱軍士使寇令焉句踐請盟
一介嫡女執箕帚以眩姓於王宮

一介一人眩備也姓庶姓也曲禮曰納女

于天子曰備百姓○介古拜切一作介眩音該

一介嫡男奉槃匱以隨諸御

槃承

盥器也晉語曰奉匜沃盥御近臣

春秋貢獻不解于王

府天王豈辱裁之

豈能辱意裁制之

亦征諸侯之禮也

征稅也亦天子

征稅諸侯之禮

夫諺曰狐狸之而狐搢之是以無成功

埋藏也搢發也

○骨切 捐告

今天王既封殖越國以明聞於天下而又刈亡之是天王之無成勞也雖四方之諸侯則何實以事吳敢使下臣盡辭唯天王秉利度義焉

吳王夫差告諸大夫

吳王夫差乃告諸大夫曰孤將有大志於齊

欲伐齊也

吾將

許越成而無拂吾慮若越既改吾又何求若其不改反行吾振旅焉

伐齊反振旅而討之

申胥諫曰不可許也夫越非實

中心好吳也又非懼畏吾甲兵之彊也大夫種勇而善

謀將還玩吳國於股掌之上以得其志夫固知君王之

蓋威以好勝也

蓋猶尚也

故婉約其辭以從逸王志使淫樂

於諸夏之國以自傷也使吾甲兵鈍弊民人離落而日

以憔悴然後安受吾燼夫越王好信以愛民四方歸之

年穀時孰日長炎炎及吾猶可以戰也為虺弗推為蛇

將若何

虺小蛇大也
○虺許鬼切

吳王曰大夫奚隆於越越曾足以

為大虞乎若無越則吾何以春秋曜吾軍士乃許之成

將盟越王又使諸稽郢辭曰以盟為有益乎前盟口血

未乾足以結信矣以盟為無益乎君王含甲兵之威以臨使之而胡重於鬼神而自輕也吳王乃許之荒成不

盟

荒成也

吳王還自伐齊

吳王還自伐齊

吳敗齊艾陵魯哀十一年

乃訊申胥

訊告讓也

曰昔吾先

王體德聖明達於上帝

先王闔廬也

譬如農夫作耦以刈殺

四方之蓬蒿

二耦為耦言子胥佐先王

以立名于荆是則大夫之力

也今大夫老而又不自安恬逸而處以念惡

處居也居則念為惡

于吳

出則罪吾衆

罪吾衆謂吳民離
矣體有所傾之屬

撓亂百度以妖孽

吳國今天降衷於吳

衷善也

齊師受服孤豈敢自多先王

之鐘鼓實式靈之敢告於大夫申胥釋劔而對曰昔吾

先王世有輔弼之臣以能遂疑計惡

遂決也
計慮也

以不陷于

大難今王播棄黎老

黎凍梨
壽徵也

而孩童焉比謀曰余令而

不違夫不違乃違也夫不違亡之階也夫天之所棄必

驟近其小喜而遠其大憂王若不得志於齊而以覺悟

王心吳國猶世吾先君之得之也必有以取之

得謂克
楚也傳

曰閭廬食不二味勤恤其民

謂之謂此也其亡之也必有以棄之

亡之謂不正其師以

班處宮復為楚所敗也

用能援持盈以歿而驟救傾以時今王無

以取之

言無此德

而天祿亟至是吳命之短也負不忍稱疾

辟易以見王之親為越之禽也負請先死

辟易狂疾辟微必切易

以致切

將死曰而縣吾目於東門以見越之入吳國之亡

也遂自殺王愠曰孤不使大夫得有見也乃使取申胥

之尸盛以鵠夷而投之于江

鵠夷革囊

吳王夫差還自黃池

吳王夫差還自黃池

會黃池魯哀十三年

息民不戒越大夫種乃

倡謀曰吾謂吳王將遂涉吾地今罷師而不戒以忘我

我不可以怠也日臣嘗卜於天今吳民既罷而大荒荐

饑市無赤米

赤米米之惡者

而困鹿空虛

員曰困方曰鹿○困渠隕切鹿通作麓

其民必移就蒲贏于東海之濱

蒲深蒲也贏蚌蛤之屬○贏落戈切亦作螺

天占既兆人事又見我蔑卜筮矣王若今起師以會奪

之利無使失悛夫吳之邊鄙遠者罷而未至吳王將恥

不戰必不須至之會也

不待遠兵

而以中國之師與我戰若

事幸而從我我遂踐其地其至者亦將不能之會也已

言吳邊鄙雖來將不能會戰

吾用禦兒臨之

禦兒越北鄙在今嘉興言吳邊兵若至吾以禦

兒之民臨敵之

吳王若愠而又戰幸遂可出

使出奔

若不戰而結

成王安厚取名而去之越王曰善哉乃大戒師將伐吳

楚申包胥使于越

申包胥楚大夫王孫包胥也

越王句踐問焉曰吳

國為不道求殘我社稷宗廟以為平原弗使血食吾欲

與之徼天之衷唯是車馬兵甲卒伍既具無以行之

猶行

也請問戰奚以而可包胥辭曰不知王固問焉乃對曰

夫吳良國也能博取于諸侯

取貢賦也

敢問君王之所以與

之戰者王曰在孤之側者觴酒豆肉簞食未嘗敢不分

也飲食不致味聽樂不盡聲求以報吳願以此戰包胥

曰善則善矣未可以戰也王曰越國之中疾者吾問之

死者吾葬之老其老慈其幼長其孤問其病求以報吳

願以此戰包胥曰善則善矣未可以戰也王曰越國之

中吾寬民以子之忠惠以善之吾修令寬刑施民所欲

去民所惡稱其善掩其惡求以報吳願以此戰包胥曰

善則善矣未可以戰也王曰越國之中富者吾安之貧

者吾予之救其不足裁其有餘使貧富皆利之求以報

吳願以此戰包胥曰善則善矣未可以戰也王曰越國

南則楚西則晉北則齊春秋皮幣玉帛子女以賓服焉

未嘗敢絕求以報吳願以此戰包胥曰善哉蔑以加焉

然猶未可以戰也夫戰知為始仁次之勇次之不知則

不知民之極

極中也

無以銓度天下之衆寡

銓稱也

不仁則

不能與三軍共饑勞之殃不勇則不能斷疑以發大計

越王曰諾越王句踐乃召五大夫

五大夫舌庸苦成大
夫種范蠡皐如之屬

曰吳為不道求殘吾社稷宗廟以為平原不使血食吾

欲與之徵天之衷唯是車馬甲兵卒伍既具無以行之

吾問于王孫包胥既命孤矣敢訪諸大夫問戰奚以而

可句踐願諸大夫言之皆以情告無阿孤孤將以舉大

事大夫舌庸乃進對曰審賞則可以戰乎王曰聖

審賞
賞不

失勞聖
通也

大夫苦成進對曰審罰則可以戰乎王曰猛

能
罰

則嚴
猛也

大夫種進對曰審物則可以戰乎王曰辨

物旌旗
物色藏

幟之屬
辨別也

大夫蠡進對曰審備則可以戰乎王曰巧

備守
禦之

備巧審密不
可攻入也

大夫臯如進對曰審聲則可以戰乎王曰

可矣

聲謂鐘鼓進退之節
聲不審則衆惑也

王乃命有司大令于國曰苟

任戎者皆造于國門之外王乃令于國曰國人欲告者

來告

告者謂有善計策及
職事所當陳白者

告孤不審將為戮不利過及

五日必審之

使執思
計之也

過五日道將不行

道術也過五日
則晚矣軍當出

也故術
將不行

王乃入命夫人王背屏而立夫人向屏

屏寢門
內屏也

王曰自今日以後內政無出外政無入內有辱是子也

外有辱是我也我見子于此止矣王遂出夫人送王不出屏乃闔左闔填之以土去并側席而坐不埽王背檐而立大夫向檐檐與簷同王命大夫曰食土不均地之不修

內有辱于國是子也軍士不死外有辱是我也自今日以後內政無出外政無入內國政外軍政也吾見子於此止矣

王遂出大夫送王不出檐乃闔左闔填之以土側席而坐不埽王乃之壇列鼓而行之至于軍斬有罪者以徇曰莫如此以環瑱通相問也

環金玉之環瑱塞耳問遺也通行賂以亂軍明

日從舍斬有罪者以徇曰莫如此不從其伍之令明日
從舍斬有罪者以徇曰莫如此不用王命明日從舍至
于禦兒斬有罪者以徇曰莫如此淫逸不可禁也王乃
命有司大徇于軍曰有父母者老而無昆弟者以告王
親命之曰我有大事子有父母者老而子為我死子之
父母將轉于溝壑子為我禮已重矣子歸沒而父母之
世後若有事吾與子圖之明日徇于軍曰有兄弟四五
人皆在此者以告王親命之曰我有大事子有昆弟四

五人皆在此事若不捷則是盡也擇子之所欲歸者一人明日徇于軍曰有眩瞽之疾者告王親命之曰我有大事子有眩瞽之疾其歸若已後若有事吾與子圖之明日徇于軍曰筋力不足以勝甲兵志行不足以聽命者歸莫告明日遷軍接餼上下皆餼也斬有罪者以徇曰莫如此志行不果於是人有致死之心王乃命有司大徇于軍曰謂二三子歸而不歸處而不處處止也進而不進退而不退左而不左右而不右身斬妻子鬻於是吳王

起師軍于江北

江松江去吳五十里

越王軍于江南越王乃中分

其師以為左右軍

傳曰越子伐吳吳子禦之笠澤夾水而陣在魯哀十七年

以其私

卒君子六千人以為中軍

私卒君子王所親近有志行者猶吳所謂賢良齊所謂士

也明日將舟戰于江及昏乃令左軍銜枚泝江五里以

須

須須後命也

亦令右軍銜枚踰江五里以須夜中乃令左

軍右軍涉江鳴鼓中水以須

夜中夜半也中水水中央

吳師聞之大

駭曰越人分為二師將以夾攻吾師乃不待旦亦中分其師將以禦越越王乃令其中軍銜枚潛涉不鼓不譟

以襲攻之吳師大北越之左軍右軍乃遂涉而從之又

大敗之于沒

沒地名

又郊敗之三戰三北

三戰笠澤也沒也郊也

乃

至于吳越師遂入吳國圍王宮

王宮姑蘇

吳王懼使人行成

曰昔不穀先委制于越君

不言越委制于吳謙而反之也

君告孤請成

男女服從孤無奈越之先君何

言越先君與吳修好

畏天之不祥

不敢絕祀許君成以至於今今孤不道得罪於君王君

王以親辱於孤之敝邑孤敢請成男女服為臣御越王

曰昔天以越賜吳而吳不受今天以吳賜越孤敢不聽

天之命而聽君之令乎乃不許成因使人告于吳王曰
天以吳賜越孤不敢不受以民生之不老王其無死民
生于地上寓也其與幾何言幾何時寡人其達王于甬句東
達致也甬句東句章東海口外洲也夫婦三百唯王所安以沒王年夫差

辭曰天既降禍於吳國不在前後當孤之身實失宗廟
社稷凡吳土地人民越既有之矣孤何以視於天下夫

差將死使人說於子胥曰

說告也

使死者無知則已矣若

其有知吾何面目以見負也遂自殺越滅吳

在魯哀二十二年冬

十一月

上征上國

上國中
國也

宋鄭魯衛陳蔡執玉之君皆入

朝

玉珪
璧也

夫唯能下其羣臣以集其謀故也

言下其羣臣
以明吳不用

子胥
之禍

越王句踐即位三年而欲伐吳

越語

越王句踐即位三年

魯哀
元年

而欲伐吳范蠡進諫曰夫國

家之事有持盈有定傾有節事王曰為三者奈何范蠡

對曰持盈者與天

法天
也

定傾者與人

取人之
心也

節事者與

地

節事修政也
與地法地也

王不問蠡不敢言天道盈而不溢盛而

不驕勞而不矜其功夫聖人隨時以行是謂守時天時
不作弗為人客人事不起弗為之始今君王未盈而溢
未盛而驕不勞而矜其功天時不作而先為人客人事
不起而創為之始此逆於天而不和於人王若行之將
妨於國家靡王躬身靡損也王弗聽范蠡進諫曰夫勇者

逆德也兵者凶器也爭者事之末也陰謀逆德好用凶
器始於人者人之所卒也

始以伐人
終害之

淫逸之事上帝之

禁也先行此者不利王曰無是貳言也吾已斷之矣果

興師而伐吳戰於五湖不勝棲於會稽王召范蠡而問
焉曰吾不用子之言以至於此為之奈何范蠡對曰君
王其忘之乎持盈者與天定傾者與人節事者與地王
曰與人奈何范蠡對曰卑辭尊禮玩好女樂尊之以王
如此不已又身與之市王曰諾乃令大夫種行成於吳
曰請士女女於士大夫女女於大夫隨之以國家之重
器吳人不許大夫種來而復往曰請委管籥屬國家以
身隨之君王制之吳人許諾王曰蠡為我守於國范蠡

對曰四封之內百姓之事蠡不如種也四封之外敵國

之制立斷之事種亦不如蠡也王曰諾令大夫種守於

國與范蠡入宦於吳三年而吳人遣之歸反至於國王

問於范蠡曰節事奈何范蠡對曰節事者與地唯地能

包萬物以為一其事不失生萬物容畜禽獸然後受其

名而兼其利美惡皆成以養生時不至不可彊生事不

究不可彊成自若以處以度天下待其來者而正之因

時之所宜而定之同男女之功

農穡絲枲之功

除民之害以避

天殃田野開闢府倉實民衆殷無曠其衆以為亂梯時
將有反事將有間必有以知天地之恒制乃可以有天
下之成利事無間時無反則撫民保教以須之王曰不
穀之國家蠡之國家也蠡其圖之范蠡對曰四封之內
百姓之事時節三樂三時之樂使不亂民功不及天時
五穀稔孰稔和也民乃蕃滋君臣上下交得其志蠡不如
種也四封之外敵國之制立斷之事因陰陽之恒順天
地之常柔而不屈強而不剛德虐之行因以為常死生

因天地之刑天因人聖人因天人自生之天地形之聖人因而成之是故戰勝不報取地而不反兵勝於外福生於內用力甚少而名聲章明種亦不如蠡也王曰諾令大夫種為之四年

反國四年
魯哀九年

王召范蠡而問焉曰先

人就世不穀即位五年既少未有恒常出則禽荒入則酒荒吾百姓之不圖惟舟與車

好游
田

上天降禍於越委

制於吳吳人之那不穀亦有甚焉吾欲與子謀之其可乎范蠡對曰未可也蠡聞之上帝不考時反是守彊索

者不祥得時不成反受其殃失德滅名不死亡有奪
有子有不予王無蚤圖夫吳君王之吳也王若蚤圖之
其事又將未可知也王曰諾又一年王召范蠡而問曰
吾與子謀吳子曰未可也今吳王淫於樂而忘其百姓
亂民功逆天時信讒喜優憎輔遠弼聖人不出忠臣解
骨皆曲相御莫適相非上下相偷其可乎范蠡對曰人
事至矣天應未也王姑待之王曰諾又一年王召范蠡
而問焉曰吾與子謀吳子曰未可也今申胥驟諫其王

王怒而殺之其可乎

子胥數諫王不聽知吳必亡使於齊屬其子於鮑氏王聞之賜之屬

鏤以死

范蠡對曰逆節萌生天地未形而先為之征其事

是以不成雜受其刑王姑待之王曰諾又一年王召范蠡而問焉曰吾與子謀吳子曰未可也今其稻蟹不遺種其可乎范蠡對曰天應至矣人事未盡也王姑待之王怒曰道固然乎妄其欺不穀耶吾與子言人事子應吾以天時今天時至矣子應吾以人事何也范蠡對曰王姑勿怪夫人事必將與天地相參然後乃可以成功

今其禍新民恐其君臣上下皆知其資財之不足以支
長久也彼將同其力致其死猶尚殆王其且馳騁弋獵
無至禽荒宮中之樂無至酒荒肆與大夫觴飲無忘國
常彼其上將薄其德民將盡其力又使之望而不得食
乃可以致天地之殛王姑待之至於玄月

九月為玄魯
哀十六年之

九月王召范蠡而問焉曰諺有之曰觥飯不及壺飧

觥大
也觥

飯謂
盛饌今歲晚矣子將奈何范蠡對曰微君王之言臣固

將謁之臣聞從時者猶救火追亡人也蹶而趨之唯恐

弗及王曰諾遂興師伐吳至於五湖吳人聞之出挑戰
一日五反王弗忍欲許之范蠡進諫曰謀之廊廟失之

中原其可乎王姑勿許臣聞之得時無怠時不再來天
與不取反為之災羸縮轉化後將悔之天節固然唯謀
不遷王曰諾弗許范蠡曰臣聞古之善用兵者羸縮以

為常四時以為紀無過天極究數而止天道皇皇日月

以為常明者以為法微者則是行

微謂虧損薄食

陽至而陰陰

至而陽日困而還月盈而匡

困窮也匡虧也

古之善用兵者因

天地之常與之俱行後則用陰先則用陽近則用柔遠

則用剛後無陰蔽先無陽察

後動者泰舒靜為陰蔽先動者泰顯露為陽察

用

人無藝往從其所

藝設也

剛強以禦陽節不盡不死其野

彼來從我固守勿與

戰勿與

若將與之必因天地之災又

觀其民之饑飽勞逸以參之盡其陽節盈我陰節而奪

之宜為人客剛強而力疾陽節不盡輕而不可取

於時宜為

人客雖輕易人猶不可得取

宜為人主安徐而重固陰節不盡柔而

不可迫

於時宜為人主雖柔不可固迫

凡陳之道設右以為牝益左以

為牡

陳有北牡使相受在陰為北在陽為牡

蚤晏無失必順天道周旋無

究今其來也剛強而力疾王姑待之王曰諾弗與戰居

軍三年吳師自潰吳王帥其賢良與其重祿

賢良謂大夫重祿謂

寶貨。帥音率。以上姑蘇使王孫雄行成於越曰昔者上天降

禍於吳得罪於會稽今君王其圖不穀請復會稽之和

王弗忍欲許之范蠡進諫曰臣聞之聖人之功時為之

庸得時弗成天有還形天節不遠五年復反

節期也五歲再閏天

數一小凶則近大凶則遠先人有言曰伐柯者其則不

遠今君王不斷其忘會稽之事乎王曰諾不許使者往而復來辭愈卑禮愈尊王又欲許之范蠡諫曰孰使我蚤朝晏罷者非吳乎與我爭三江五湖之利者非吳耶夫十年謀之一朝而棄之其可乎王姑勿許其事將易冀己王曰吾欲勿許而難對其使者子其對之范蠡乃左提鼓右援枹以應使者曰昔者上天降禍於越委制於吳而吳不受今將反此義以報此禍吾王敢無聽天之命而聽君王之命乎王孫雄曰子范子先人有言曰

無助天為虐助天為虐者不祥今吾稻蟹不遺種子將

助天為虐不忌其不祥乎范蠡曰王孫子昔吾先君固

周室之不成子也

周禮子爵國二百里

故濱於東海之陂黿鼉魚

鼈之與處而鼃黽之與同渚

水邊曰渚

余雖覲然而人面哉

吾猶禽獸也又安知是譏譏者乎

譏譏者巧辨之言

王孫雄曰子

范子將助天為虐助天為虐不祥雄請反辭於王范蠡

曰君王已委制於執事之人矣子往矣無使執事之人

得罪於子使者辭反范蠡不報於王擊鼓興師以隨使

者至於姑蘇之宮不傷越民遂滅吳反至五湖范蠡辭
於王曰君王勉之臣不復入於越國矣王曰不穀疑子
之所謂者何也范蠡對曰臣聞之為人臣者君憂臣勞
君辱臣死昔者君王辱於會稽臣所以不死者為此事
也今事已濟矣蠡請從會稽之罰王曰所不掩子之惡
揚子之美者無終沒於越國子聽吾言與子分國不聽
吾言身死妻子為戮范蠡對曰臣聞命矣君行制臣行
意遂乘輕舟以浮於五湖莫知其所終極王命工以良

金寫范蠡之狀而朝禮之決日而令大夫朝之

決帀也自甲至

癸為環會稽三百里者以為范蠡地曰後世子孫有敢

侵范蠡之地者使無終沒於越國皇天后土四鄉地主

正之

按國語二十二卷與傳相表裏發明而非以釋經也故謂之外傳其文深闕傑異傳吳越事尤奇峻

而宋衛秦之紀缺如故識者疑焉觀其詞間多繁蕪蔓衍亦畧類諸子之書今擇其精者若干篇以輔內傳而存之然而春秋之文止此矣一變而為戰國縱橫險譎而三代之制作遂不可復見矣此文章正變之會所宜深思也

御選古文淵鑒卷六